



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԵՂԱՐՔՈՒՆԻՔԻ ՄԱՐԶՊԵՏ
ՈՐՈՇՈՒՄ

N 109 - Ա
04 հուլիսի 2013 թ

ՄԱՐԶԻ ԿԱԼԱԿԱՆ ՀԱՄԱՅՆՔԻ ԱՎԱԳԱՆՈՒ ԵՎ ՀԱՄԱՅՆՔԻ ՂԵԿԱՎԱՐԻ
ԳՈՐԾՈՒՆԵՈՒԹՅԱՆ ԿԱՐԶԱԿԱՆ ԵՎ ՖԻՆԱՆՍԱԿԱՆ ՀՍԿՈՂՈՒԹՅԱՆ
ԱՐԴՅՈՒՆՔՆԵՐԻ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 77¹, 77², և 77³ հոդվածների և Հայաստանի Հանրապետության Նախագահի 1997 թվականի մայիսի 6-ի ՆՀ-728 հրամանագրի 1.6-րդ կետի դրույթներով

որոշում եմ՝

1. Առաջարկել մարզի Կալավան համայնքի ղեկավարին՝

- 1) Գյուղապետարանի աշխատանքները կազմակերպել «Տեղական ինքնակառավարման մասին» ՀՀ օրենքի 60-րդ, 65-րդ, 69-րդ հոդվածների պահանջներով:
- 2) Դրամարկղային գործարքները և հաշվապահական հաշվառումը իրականացնել «Դրամարկղային գործառնությունների մասին» ՀՀ օրենքի 5-րդ, «Հաշվապահական հաշվառման մասին» ՀՀ օրենքի 15-րդ, 17-րդ և «Տեղական ինքնակառավարման մասին» ՀՀ օրենքի 46-րդ հոդվածներով սահմանված կարգով:
- 3) Գյուղատնտեսական նշանակության դեռևս չվարձակալած հողամասերը վարձակալությամբ տրամադրելու համար Հայաստանի Հանրապետություն օրաթերթում տալ հայտարարություն:
- 4) Համայնքի վարչական սահմաններում ընդգրկված համայնքային և պետական սեփականություն հանդիսացող արոտավայրերի օգտագործումը համապատասխանեցնել Հայաստանի Հանրապետության կառավարության 2010թ-ի հոկտեմբերի 28-ի N 1477-Ն որոշման պահանջներին:
- 5) Առաջարկել համայնքի ղեկավարին ղեկավարվելով «Տեղական ինքնակառավարման մասին» ՀՀ օրենքի 37-րդ հոդվածի դրույթներով, ձեռնարկել համապատասխան միջոցներ և սահմանված կարգով համայնքի բյուջեում նախատեսել համապատասխան գումար համայնքի /քնակավայրի/ գլխավոր հատակագիծը մշակելու համար:
- 6) Հաստատել ներհամայնքային առևտրի կանոնները և ուղարկել պետական փորձաքննության:

- 7) Առևտրի և ծառայությունների բնագավառում հսկողությունն իրականացնել "Առևտրի և ծառայությունների մասին" ՀՀ օրենքի 17¹ հոդվածի պահանջներին համապատասխան:
- 8) Առևտրի և ծառայությունների ոլորտում իրականացված հսկողության արդյունքների վերաբերյալ մարզպետարան ներկայացնել հաշվետվություն "Առևտրի և ծառայությունների մասին" ՀՀ օրենքի 17 հոդվածի 2-րդ կետի պահանջներին համապատասխան:
- 9) Խիստ ուշադրություն դարձնել համայնքի բյուջեով նախատեսված հարկերի գանձման աշխատանքներին:
- 10) Ղեկավարվելով „տեղական ինքնակառավարման մասին,, Հայաստանի Հանրապետության օրենքի 11-րդ հոդվածի դրույթներով համայնքի ավագանու նիստերը իրավիքով ոչ ոչ քան երկու ամիսը մեկ:
- 11) Ղեկավարվելով „տեղական ինքնակառավարման մասին,, Հայաստանի Հանրապետության օրենքի 32-րդ հոդվածի 11 կետի դրույթներով գյուղապետի կողմից ընդունված իրավական ակտերը երկօրյա ժամկետում տրամադրել ավագանու անդամներին և փակցնել բնակչության համար տեսանելի վայրում:
- 12) Տեղական ինքնակառավարման մարմինների կողմից ընդունվող նորմատիվ իրավական ակտերը /համայնքի բյուջեն, տեղական տուրքերի դրույքաչափերը, համայնքի զարգացման քառամյա ծրագիրը, ավագանու կանոնակարգը, աշխատակազմի կանոնադրությունը և այլն/, համաձայն „իրավական ակտերի մասին,, Հայաստանի Հանրապետության օրենքի 34-րդ հոդվածի պահանջների, սահմանված կարգով ներկայացնել պետական լիազոր մարմնի հաստատմանը:
- 13) Հաստատել և գործողության մեջ դնել գյուղապետարանի աշխատակազմի կանոնադրությունը /նոր խմբագրությամբ/:
- 14) Տեղական ինքնակառավարման մարմինների կողմից ընդունվող իրավական ակտերը համապատասխանեցնել „իրավական ակտերի մասին,, Հայաստանի Հանրապետության օրենքի 37-րդ 40 և 41-րդ հոդվածների պահանջներին:
- 15) Վարել համայնքի ղեկավարի, ավագանու և համայնքի ղեկավարի աշխատակազմի քարտուղարի կողմից ընդունված իրավական ակտերի 2010-2012թթ. հաշվառման մատյանները:

2. Սույն որոշմամբ ներկայացված առաջարկությունները քննարկել համայնքի ավագանու նիստում և ձեռնարկված միջոցների ու կատարված աշխատանքների մասին գրավոր տեղեկացնել մարզպետին մինչև ս/թ հուլիսի 31-ը:

3. Որոշման կատարման հսկողությունը վերապահել մարզպետարանի աշխատակազմի տեղական ինքնակառավարման և հանրապետական գործադիր մարմինների հարցերով վարչությանը:

4. Սույն որոշումն ուժի մեջ է ստորագրման պահից:

ՄԱՐԶՊԵՏ՝

N. Չարսյան

Ռ. ԳՐԻԳՈՐՅԱՆ